



DÀPP AL'ALUVIÀN

Di Anna Bastelli

Sóì dapartótt, pr àl strè
in vatta e dänter àl màchin
dänter àl cà e int àl butàig
int àl cantén e int i garâg'.
In vatta ai merciapî dâl mócc'
ed róssc mói spàult.
Zangâtel inóttìl
o arcôrd preziûs
incôsa l avêva valâur
par chi al le tgnêva d acât.

Sóì ch'l interânp àl strè
ch'al minâcia cà e stâl
zânt ch'in pôlen brîsa
abandunèr àl sâu bìsti
e ch'i aspèten ajût
par dèri da magnèr
e métrri al sicûr.

Sóì ch'l à cuêrt i canp
ch'l à raiis stêril i frutaid
sâmmen ormâi inóttìl
arcôlt andè pêrs.
Al râss dl autôn
smurzè dal grís.

E ânzel coi stivèl
armè sâul ed badîl
e bóna volontè
ancâura una vólta
i én arivé stra d nuèter
a fèr al mirâcuel
dla solidarietè.



DOPO L'ALLUVIONE

Fango ovunque, per le strade
sopra e dentro le auto
dentro le case e nei negozi
nelle cantine e nei garage.
Sui marciapiedi cataste
di fradici rifiuti.
Inutili cianfrusaglie
o ricordi preziosi
tutto aveva un valore
per chi lo teneva in serbo.

Fango che interrompe strade
che minaccia case e stalle
gente che non può
abbandonare i suoi animali
e che attende soccorsi
per dar loro da mangiare
e metterli al sicuro.

Fango che ha coperto campi
che ha reso sterili i frutteti
semine ormai inutili
raccolti perduti.
Il rosso dell'autunno
spento dal grigio.

E angeli con gli stivali
armati solo di pale
e buona volontà
ancora una volta
sono comparsi fra noi
a compiere il miracolo
della solidarietà.